

# Txirritola

ARAMAIO / Barikua / 2003ko urriaren 10a / 80. zenbakia

KOORDINATZAILEA: Ubane Madera • Otolara Lizentziaduna 31 20500 ARRASATE • Tel.: 943 71 25 11 • Faxa: 943 71 23 89 • Posta elektronikoa: txirritola@goiena.com • Lege gordailua: SS.1084/02

## Kaleko XII. Margo Lehiaketa jokatuko dute domekan

UBANE MADERA

Hamabigarren aldiz Kaleko Margo Lehiaketa izango da Aramaion. Etzi, domekan, jokatuko dute, 09:00etatik 11:00etara bitartean. Nahi duenak har dezake parte.


Aramaio eta bere ingurua du ize-na domekako Kaleko Margo Lehiaketak. Itur Zuri emakumeen elkar-teak antolatu du, urtero moduan. Nahi duen guztiak har dezake parte ekimenean; etzi Aramaiora garaiz joatea nahikoa da.

Lehiaketa goizean izango da, 09:00etan hasi eta 11:00ak arte. Norberak nahi duen teknika erabil dezake margolanak egiteko; hori bai, lehiaketaren izenburuak esaten duen moduan, Aramaio eta bere ingurua erakutsi edo islatu beharko ditu. Lehiaketa bukatu ostean, 14:30ean, parte-hartzaile guztiendako bazkaria izango da.

Eta gero, arratsaldean jakinaraziko dute zeintzuk izan diren irabazleak; sari banaketa ere orduan izango da, 18:30ean hasita, Sastiña ermitan.

### SEI SARI

Kaleko Margo Lehiaketa bi mailatan banatu dute, baita sariak ere: 16 urtetik beherakoen artean,



ARTXIBOA

Sari banaketa domekan bertan izango da, 18:30ean, Sastiñan.

irabazleak 150 euro eta plaka eramango ditu; bigarrenak 60 euro eta plaka eta hirugarrenak 30 euro eta plaka; eta 16 urtetik gorakoen artean, irabazleak 600 euro eta plaka eramango ditu, bigarrenak 360 euro eta plaka eta hirugarrenak 240 euro eta plaka. Hori bai, esan beharra dago partaide bakoitzak

sari bakarra irabaz dezakeela.

Bestalde, lehiaketarako egindako margolanak ikusgai egongo dira urriaren 12tik 21era. Eta, horren harira, lanok urriaren 22tik urriaren 30era bitartean bueltatuko dizkiete egileei. Dena dela, irabazleen margoak antolatzaileendako izango dira.

## Bihar, gasolina usaina Aramaion

Errotabarritik Arexolara eta Arriolatik, Etxaguengo bidegurutzetik, Gantzagan zehar Ibarrara bueltatu. Horixe egingo dute bihar, zapatua, 40 bat lagunek abiada bizian egoki prestatutako automobilekin. Rallysprint-aren txanda da, 14:30ean hasi eta 20:30era arte. Ibilbide horri pare bat buelta emango diote, 26,4 kilometro egin arte. Azkarrena, garaile. /U.M.



# URONDO

Elektrizitatea

- \* Elektragaiak
- \* Instalazioak
- \* Automatismoak
- \* Proiektuak
- \* Argiztapena
- \* Bobinaketak

Musakola auzoa, 26. Kataide Industrialdea 5. Pabiloia. 214 postakutxa • ARRASATE  
Tel.: 943 79 78 15 / 943 77 10 42 Faxa: 943 77 14 76



**TELEFONO JAKINGARRIAK**

**OSASUNA / LARRIALDIAK**

Osasun etxea (txandak)	945 44 53 40
Bonika	945 44 50 03
Udaletxea	945 44 50 16
Ertzaintza (Arrasate)	943 79 71 99
Gurutze Gorria (Legutio)	945 45 52 52
San Martin Eskola	945 44 50 04
Taxa eta autobusak	945 44 50 33
Udal kiroldegia	945 44 53 35
Postetxea	945 44 50 83
Zubiako Eskualdea	945 43 01 67
Suhiltzaileak (Zubillaga)	943 78 28 00

**AUTOBUSORDUTEGIA**

ARRASATE	ARAMAIO	GASTEIZ
07:00	07:15	08:00
10:00*	10:15	
11:00	11:15	
12:00*	12:15*	13:00
15:15	15:30	16:15
17:20	17:35	
18:30*	18:45	
20:30	20:45	21:25
21:00*	21:15	

GASTEIZ	ARAMAIO	ARRASATE
	07:50	08:05
08:15	09:00	09:15
	10:15*	10:30
	11:15	11:30
13:10	13:55	14:10
16:20	17:05	17:20
	17:35	17:50
	18:45*	19:00
19:30	20:10	20:25

**OHARRA:** izartxoak duten orduetan eskaeraren arabera zerbitzua eskaintzen dute. Auzoetako bizilagunei zuzendutako da, eta autobusa erabili gura badute, bezperan deitu behariko dute honako zenbaki honetara: 629 54 59 23

**OHARRAK**

**KZGUNEA URRIAN**

Datorren hilabeteari begira honako ordutegia izango du KZGuneak: 1etik 17ra goizean egongo da zabalik, 09:00etatik 13:00etara; eta 20tik 31ra, berriz, arratsalde zabalduko dute, 16:00etatik 20:00etara.

**ANBULATORIOKO OHARRAK**

Anbulatorioan txanda hartzeko telefonoa honako hau da: 945 44 53 40. Gogoratu lehen mailako atentzio zerbitzuetarako txanda alde aurretik hartu beharra dagoela, eta horretarako goizez zein arratsalde dei daitekeela. Bestalde, larrialdiren bat izanez gero, honako telefonora deitu beharra dago: 943 46 11 11.

**GRIPEAREN AURKAKO TXERTOIA**

Urriaren 31n bukatzen da gripearen kontrako txertoa hartzeko epea. 65 urtetik gorakoei eta gaixotasun kronikoei (diabetea, bihotzekoa...) zuzendutako kanpaina da. Anbulatortara jo behariko dute txertoa hartzerako, 09:00etatik 13:00etara. Ezinduek etxean hartu ahal izango dute, medikuari edo erizainari esanda.

**Argindar mozketak egingo dituzte laster herrian**

UBANE MADERA

**Aramaioko Udalak jakinarazi digunez, argi mozketak egingo dituzte herrian datorren martitzenean, eguaztenean eta eguenean (hilak 14, 15 eta 16). Hain justu ere, zenbait auzotako transformazio zentroen mantentze-lanak egiteko moztu behar dute. Neguari begira egin ohi dituzte lanok.**

Datorren asteari begira adi ibili behariko dute aramaiorek, hiru egunez argi mozketak egingo dituzte-eta herriko zenbait puntutan.

Hala, Udaleko teknikariek helarazitako oharraren arabera, datorren martitzenean, eguaztenean eta eguenean moztuko dute argindarra.

Lehen aipatutako moduan, auzoetako transformazio zentroetan mantentze-lanak egin behar dituzte, gero neguan arazorik sor ez dadin. Eta mantentze-lan horiek egiteko beharrezkoa dute argindarra moztea. Edozelan ere, esan beharra dago argindar mozketak gehienak oso laburrak izango direla.

Gasteizko Electrotecnica de

Urbina izeneko enpresak egingo ditu mantentze-lanok.

**NON ETA NOIZ**

Hala, martitzenean, hilak 14, Gantzagako, Etxaguengo, Labeagako eta Arexolako argindarra bideratzen duen transformazio zentroaren egoera aztertze txanda izango da. Horren ondorioz, bost-hamar bat minutuz moztuko dute argindarra auzo horietan. Baina ez dute zehaztu noiz.

Eguaztenean, berriz, Untzillako, Suñako, Ibabeko eta Uribarriko transformazio zentroa begiratu dute. Hortaz, beste bost-hamar bat minutuko etetea izango da auzo horietan.


**PARE BAT ORDUZ BAILARA OSOAN**

Bestalde, gogoratu beharra dago eguaztenean bertan, 09:30etik 11:30era arte Aramaio osoan moztuko dutela argindarra, bestelako lan batzuk egin behar dituztelako (fusibleak aldatu, pinuak bota, aberia konpondu...).

Eta bukatzeko, eguenean Gureiako, Altzagako, Azkoagako, Barajuengo eta Arriolako transformazio zentroan moztuko dute argindarra; kasu honetan bost-hamar bat minutuz.

*Auzoetako transformazio zentroetan mantentze-lanak egin behar dituzte*

*Gogoratu beharra dago eguaztenean 09:30etik 11:30era Aramaio osoan moztuko dutela argia*



**Bihar, zapatua, pilota txapelketa jokatu dute**

UBANE MADERA

**Bihar gauean pilota partiduak jokatu dituzte Aramaio pilotalekuan. DV Txapelketaren barruan, aurreneko kanporaketako partiduak jokatu dituzte. Gazte mailako eta nagusi mailako partiduak izango dira. Lehenago, herriko Barea taldeko pilotari gazteek jokatu dute.**

Besteak beste, gazte mailan Gipuzkoako eta Arabako txapelak Aramaion izango dira bihar, zapatua. Gipuzkoako txapelak Axpe arrasatearrak Elizalde baztandarrarekin batera jokatu du Arabako txapelak Azpiazua anaien kontra. 22:00etan hasiko da partidua.

Gero, haiek bukatu ostean, nagusien mailako pilotazaleen txanda izango da. Kasu horretan, Azpiroz eta Iriarte nafarrek Iza


girre eta Larrarte gipuzkoarren kontra jokatu dute eskuz binakako partidua.

Eta bi partidua horiek baino lehen, Aramaio Barea taldeko pilotari gazteek pilota ekinaldia egingo dute. 21:30ak inguruan hasiko da aurreneko partidua hori, besteak beste, pilotalekuko giroa berotzeko.

**DV TXAPELKETA**

Lehen esandako moduan, bihar partiduak DV Txapelketaren aurreneko kanporaketako partiduak dira. Hain justu ere, joan den asteburuan hasi zen txapelketa Getarian eta Lezon; Gabonak arte iraungo du. Hala, partidua guztiak lekuz aldatzen joango dira, herriz herri, leku bakoitzean partidua bat.

Era berean, esan beharra dago DV Txapelketa pilotazaleekin jokatzeko den txapelketa interesgarriena dela.



**'Korapiloak' izeneko lana ipiniko dute**

Argazkian ikusten duzun eskultura hori ipiniko dute laster Bañera parkean. Miguel S. Etxeberria Garmendia gipuzkoarrak egindako lana da, Caja Vital Fundazioak antolatutako eskultura lehiaketaren barruan. *Korapiloak* da eskulturaren izena eta, hain justu ere, Bañera parkean, errekarren albo bietan banatuta ipiniko dute.

Caja Vital Fundazioak 2000n abiarazi zuen eskultura lehiaketa. Ekimenaren helburua zera da: eskulturaren dako leku edo espazio berriak lortzea eta gure paisaiarekin bat egitea. Hala, eskulturen lehiaketa horretan urtez urte irabazle izan direnen lanak Arabako zenbait herritan ipini dituzte azken bi urteotan. Aurten, lehiaketaren azkeneko urtean, Aramaion ipiniko dute eskulturetako bat.